

ফরেন এক্সচেঞ্জ পলিসি ডিপার্টমেন্ট-১
বাংলাদেশ ব্যাংক
প্রধান কার্যালয়
ঢাকা।
www.bb.org.bd

এফইপিডি-১ সার্কুলার পত্র নম্বর- ১১

তারিখ: আষাঢ় ৩০, ১৪৩৩
জুলাই ১৪, ২০২৬

বৈদেশিক মুদ্রায় লেনদেনে নিয়োজিত
সকল অনুমোদিত ডিলার ব্যাংকের
প্রধান কার্যালয়/প্রিন্সিপাল অফিস।

বয়লার ও বয়লার কম্পোনেন্ট আমদানির পূর্বে প্রধান বয়লার
পরিদর্শকের পূর্বানুমোদন গ্রহণ প্রসঙ্গে।

প্রিয় মহোদয়,

শিরোনামোক্ত বিষয়ে গণপ্রজাতন্ত্রী বাংলাদেশ সরকার, শিল্প মন্ত্রণালয়-এর বিএবি ও বয়লার শাখার জুন ২৮, ২০২৬ তারিখের স্মারক নম্বর- ৩৬.০০.০০০০.১৩৭.৯৯.০০৮.২২-৬১ আপনাদের অবগতি ও প্রয়োজনীয় ব্যবস্থা গ্রহণের জন্য এতদসঙ্গে সংযোজন করা হলো।

সংশ্লিষ্ট সকল পক্ষকে বিষয়টি অবহিত করার জন্য অনুরোধ করা হলো।

সংযুক্তি: বর্ণনা মোতাবেক।

আপনাদের বিশ্বস্ত,



(মোঃ হারুন-অর-রশিদ)
পরিচালক (এফইপিডি-১)
ফোন: ৯৫৩০১২৩

গণপ্রজাতন্ত্রী বাংলাদেশ সরকার
শিল্প মন্ত্রণালয়
বিএবি ও বয়লার শাখা
৯১, মতিঝিল বা/এ, ঢাকা-১০০০।
www.moind.gov.bd

নম্বর: ৩৬.০০.০০০০.১৩৭.৯৯.০০৮.২২-৬১

তারিখ: ১৪ আষাঢ় ১৪৩৮
২৮ জুন ২০২৬

বিষয়: বয়লার ও বয়লার কম্পোনেন্ট আমদানির পূর্বে প্রধান বয়লার পরিদর্শকের পূর্বানুমোদন গ্রহণ প্রসঙ্গে।

উপর্যুক্ত বিষয়ের পরিপ্রেক্ষিতে জানানো যাচ্ছে যে, শিল্প কারখানায় বয়লার দুর্ঘটনা হ্রাস, বয়লার ব্যবহারে সচেতনতা বৃদ্ধি, মানসম্মত বয়লার নির্মাণ, আমদানি ও রপ্তানি, বয়লার ব্যবহার ও পরিচালনায় নিরাপত্তা নিশ্চিতকরণ এবং শিল্প কারখানায় অধিকতর নিরাপদ কর্মপরিবেশ নিশ্চিতকরণের লক্ষ্যে বয়লার আইন, ২০২২ ও বয়লার বিধিমালা, ২০২৫ প্রণয়ন করা হয়েছে।

০২। বয়লার বিধিমালা, ২০২৫ এর বিধি ১৮(ক) মোতাবেক বয়লার ও বয়লার কম্পোনেন্ট আমদানির পূর্বে প্রধান বয়লার পরিদর্শকের পূর্বানুমোদন গ্রহণের বিধান রয়েছে।

০৩। এমতাবস্থায়, বয়লার ও বয়লার কম্পোনেন্ট আমদানির পূর্বে বর্ণিত বিধিমালা অনুসরণপূর্বক প্রধান বয়লার পরিদর্শকের পূর্বানুমোদন গ্রহণের বিষয়ে আপনার প্রয়োজনীয় সহযোগিতার জন্য নির্দেশক্রমে অনুরোধ করা হলো।

সংযুক্তি- ০৪ (চার) পৃষ্ঠা।

(মোঃ আরিফুল ইসলাম প্রিন্স)
সিনিয়র সহকারী সচিব
ফোন: ০২-২২২৩৮৪৪৩২

ই-মেইল: sasbb@moind.gov.bd

গভর্নর

বাংলাদেশ ব্যাংক

বাংলাদেশ ব্যাংক হেড অফিস, টয়েনবি সার্কুলার রোড,

মতিঝিল, ঢাকা-১০০০, বাংলাদেশ।

অনুলিপি (সদয় জ্ঞাতার্থে):

১। সচিবের একান্ত সচিব, শিল্প মন্ত্রণালয়, ঢাকা।

২। প্রধান বয়লার পরিদর্শক, প্রধান বয়লার পরিদর্শকের কার্যালয়, বিসিক ইলেকট্রনিক্স কমপ্লেক্স ভবন, (৮ম তলা), প্লট-১/১, সেকশন-৭, মিরপুর, ঢাকা।

৩। অতিরিক্ত সচিব (মান নিয়ন্ত্রণ ও ব্যবসা সহায়তা) এর ব্যক্তিগত কর্মকর্তা, শিল্প মন্ত্রণালয়, ঢাকা।

৪। যুগ্মসচিব (বিএবি ও বয়লার) এর ব্যক্তিগত কর্মকর্তা, শিল্প মন্ত্রণালয়, ঢাকা।

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

রবিবার, জুন ২৯, ২০২৫

গণপ্রজাতন্ত্রী বাংলাদেশ সরকার

শিল্প মন্ত্রণালয়
প্রধান বয়লার পরিদর্শকের কার্যালয়
প্রজ্ঞাপন

তারিখ: ১২ আষাঢ়, ১৪৩২ বঙ্গাব্দ/ ২৬ জুন, ২০২৫ খ্রিষ্টাব্দ

এস,আর,ও নং ২৭৯-আইন/ ২০২৫।—বয়লার আইন, ২০২২ (২০২২ সনের ৬ নং আইন)
এর ধারা ৫২ তে প্রদত্ত ক্ষমতাবলে সরকার নিম্নরূপ বিধিমালা প্রণয়ন করিল, যথা:—

প্রথম অধ্যায়

প্রারম্ভিক

১। শিরোনাম ও প্রবর্তন।—(১) এই বিধিমালা বয়লার বিধিমালা, ২০২৫ নামে অভিহিত হইবে।

(২) ইহা অবিলম্বে কার্যকর হইবে।

২। সংজ্ঞা।—(১) বিষয় বা প্রসঙ্গের পরিপন্থি কোনো কিছু না থাকিলে, এই বিধিমালায়—

- (ক) “আইন” অর্থ বয়লার আইন, ২০২২ (২০২২ সনের ৬ নং আইন);
(খ) “কোড” অর্থ আইনের ধারা ২ এর দফা (২) এ সংজ্ঞায়িত কোড;
(গ) “তফসিল” অর্থ এই বিধিমালার কোনো তফসিল; এবং
(ঘ) “ফরম” অর্থ এই বিধিমালার তফসিলে উল্লিখিত কোনো ফরম।

(৬৭০৯)

মূল্য : টাকা ৬০.০০

১৭। **বয়লার নির্মাণকারীর দায়িত্ব।**—বয়লার নির্মাণকারীর দায়িত্ব হইবে নিম্নরূপ, যথা:—

- (ক) ড্রইং-ডিজাইন অনুমোদনের তারিখ হইতে সর্বোচ্চ ১২ (বারো) মাসের মধ্যে বয়লার নির্মাণ কার্য সম্পন্ন করিতে হইবে;
- (খ) বয়লার নির্মাণকার্য সম্পন্ন হইবার পর কোড অনুযায়ী যথাযথভাবে সংরক্ষণ করিতে হইবে;
- (গ) বয়লার সরবরাহের বা বিক্রয়ের পর অবিলম্বে নিবন্ধন সংশ্লিষ্ট সকল দলিলাদি ও সনদ ক্রয়কারী প্রতিষ্ঠানকে সরবরাহপূর্বক উক্ত প্রতিষ্ঠানের নাম ও ঠিকানা প্রধান বয়লার পরিদর্শককে লিখিতভাবে অবহিত করিতে হইবে;
- (ঘ) কারখানায় কর্মরত শ্রমিকদের পেশাগত স্বাস্থ্য ও নিরাপত্তা (occupational health and safety) নিশ্চিত করিতে হইবে; এবং
- (ঙ) বিদ্যমান শ্রম আইনের সংশ্লিষ্ট বিধানাবলি অনুসরণ করিতে হইবে।

১৮। **বয়লার ও বয়লার কম্পোনেট আমদানির পদ্ধতি।**—(১) আইন ও এই বিধিমালার উদ্দেশ্য পূরণকল্পে, বয়লার ও বয়লার কম্পোনেট আমদানির অনুমোদন প্রদান পদ্ধতি ও শর্তাবলি হইবে নিম্নরূপ, যথা:—

- (ক) বয়লার ও বয়লার কম্পোনেট আমদানির নিমিত্ত আমদানিকারককে তফসিল-৩ এ উল্লিখিত ফরম-ড অনুযায়ী আবেদন দাখিলপূর্বক প্রধান বয়লার পরিদর্শকের পূর্বানুমোদন গ্রহণ করিতে হইবে;
- (খ) আবেদন প্রাপ্তির পর ক্ষমতাপ্রাপ্ত কর্মকর্তা দাখিলকৃত দলিলাদি ও আবেদন যাচাইপূর্বক প্রধান বয়লার পরিদর্শক এর নিকট প্রতিবেদন দাখিল করিবেন;
- (গ) প্রধান বয়লার পরিদর্শক প্রতিবেদন প্রাপ্তির পর আমদানির জন্য অনুমোদন প্রদান করিবেন এবং উপ-প্রধান বয়লার পরিদর্শককে পত্র জারির নির্দেশনা প্রদান করিবেন অথবা আবেদন নামঞ্জুর করিবেন;
- (ঘ) নির্দেশনা প্রাপ্তির পর উপ-প্রধান বয়লার পরিদর্শক অবিলম্বে তফসিল-৩ এ উল্লিখিত ফরম-৮ অনুযায়ী পত্র জারি করিবেন;
- (ঙ) আবেদন নামঞ্জুর করা হইলে, উহার কারণ উল্লেখপূর্বক উপ-প্রধান বয়লার পরিদর্শক আবেদনকারীকে ৭ (সাত) কার্যদিবসের মধ্যে লিখিতভাবে অবহিত করিবেন; এবং
- (চ) আবেদন নামঞ্জুর করা হইলে আবেদনকারী উল্লিখিত কারণসমূহ নিরসনপূর্বক ফিসহ পুনরায় আবেদন দাখিল করিতে পারিবেন।

(২) বয়লারের মান নিশ্চিতকল্পে ক্ষমতাপ্রাপ্ত কর্মকর্তা, প্রয়োজনে, নির্মাণকারীর কারখানা বা নির্মাণ প্রক্রিয়া পরিদর্শন করিতে পারিবেন।

(৩) বয়লার নির্মাণকারীর কারখানা বা নির্মাণ প্রক্রিয়া পরিদর্শনের ক্ষেত্রে বয়লার নির্মাণকারী বয়লার ইনডেন্টরকে বা আমদানিকারককে প্রয়োজনীয় সহযোগিতা প্রদান করিবে।

(৪) বয়লার ও বয়লার কম্পোনেন্ট আমদানির ক্ষেত্রে বাণিজ্য মন্ত্রণালয়ের হালনাগাদ আমদানি নীতি আদেশ যথাযথভাবে প্রতিপালন করিতে হইবে।

(৫) বয়লার ও বয়লার কম্পোনেন্ট ব্যবহার বা বিক্রয়ের পূর্বে আমদানিকারককে প্রধান বয়লার পরিদর্শকের নিকট লিখিতভাবে অবহিত করিতে হইবে।

(৬) বিধি ৩ এর উপ-বিধি (১) এর দফা (ক), দফা (খ) এবং দফা (গ) এর উপ-দফা (অ) এ বর্ণিত বয়লার আমদানির ক্ষেত্রে বয়লার ইনডেন্টের এর মাধ্যমে আমদানি করিতে হইবে।

(৭) কোনো আমদানিকারক উল্লিখিত শর্তাদি প্রতিপালনে ব্যর্থ হইলে বা অস্বীকার করিলে বয়লার নির্মাণ, নিবন্ধন বা মেরামতের আবেদন নামঞ্জুর করা যাইবে।

চতুর্থ অধ্যায় বয়লার ব্যবহার, ইত্যাদি

১৯। বয়লার ব্যবহারের জন্য নিবন্ধনের লক্ষ্যে প্রয়োজনীয় দলিলাদি।—আইনের ধারা ১৮ এর উপ-ধারা (২) অনুযায়ী বয়লার নিবন্ধনের জন্য আবেদনকারীকে আবেদনপত্রের সহিত নিম্নবর্ণিত দলিলাদি দাখিল করিতে হইবে, যথা:—

- (ক) কোড অনুযায়ী বয়লার ও বয়লার কম্পোনেন্ট এর ক্রস সেকশনাল কনস্ট্রাকশন ড্রইং (সঠিক স্কেল অনুযায়ী);
- (খ) চাপমান অংশসমূহের শক্তি ও রেটিংয়ের হিসাব;
- ব্যাখ্যা।—“রেটিং” অর্থ বয়লারের হিটিং সারফেস;
- (গ) পরিদর্শনকারী প্রতিষ্ঠানের নিকট হইতে বয়লার ও বয়লার কম্পোনেন্ট নির্মাণকালীন সময়ের পরিদর্শন ও পরীক্ষণ সার্টিফিকেট;
- (ঘ) বয়লার নির্মাণকারীর নিকট হইতে বয়লার নির্মাণ ও পরীক্ষার সার্টিফিকেট;
- (ঙ) বয়লার কম্পোনেন্ট নির্মাণকারীর নিকট হইতে বয়লার কম্পোনেন্ট নির্মাণ ও পরীক্ষার সার্টিফিকেট;
- (চ) বয়লার ও বয়লার কম্পোনেন্ট স্থাপনের পিএন্ডআই ডায়াগ্রাম ও অনুমোদিত প্ল্যান অব স্টীম পাইপ; এবং
- (ছ) ফি প্রদানের প্রমাণক এবং বয়লার ক্রয় সংশ্লিষ্ট ও ব্যবসায়িক দলিলাদি।

২০। নিবন্ধন পদ্ধতি।—আইনের ধারা ১৮ এর উপ-ধারা (৩) অনুযায়ী নিবন্ধন পদ্ধতি হইবে নিম্নরূপ, যথা:—

- (ক) বিধি ২৩ ও কোড অনুযায়ী বয়লার স্থাপনপূর্বক তফসিল-৫ এ উল্লিখিত ফিসহ তফসিল-৩ এ উল্লিখিত ফরম-গ অনুযায়ী আবেদন দাখিল করিতে হইবে;